



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Dolo Et Contvmacia. Titulus XIII.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

Spoliatus potest, suspenso petitorio, ante conclusionem
in causa, intentare possessorium: secus si sit conclusum,
vel iudicialiter videatur, c. pastoralis, extr. de causa pos.
& propri.

Cum spoliium proponitur in modum exceptionis, nul-
la fertur restitutionis sententia, sed quamdiu non fuerit
Reus restitutus, non est cogendus Actori respondere, c. 2.
extr. de ord. cog.

DE DOLO ET CONTV. maciam.

Titulus XIII.

Continuatio.

Videntur litigatores rebus suis destituti, si
per alterutrius dolum, vel contumaciam,
iuris definitio retardetur. Ne igitur fraudu-
losè moratori, vel contumaciter absenti contu-
maciam sua patrocinetur, sunt certa iuris remedia
statuta, quibus, in pœnam contumacis, obediētī
subuenitur.

Dolus quotuplex?

Duplex, bonus & malus. Dolus bonus dicitur,
machinatio aduersus latronem, inimicum, vel
publicum hostem, instituta, c. vtilem, 22. quæst. 2.
& c. vt pridem, 23. quæst. 8.

Quid est Dolus malus?

Labeo dolum malum, dicit esse omnem calli-
ditatem, fallaciam, machinationem, ad circum-

X 3

uenien-

326 ANALYS. IURIS PONTIFICII
ueniendum, fallendum, decipiendum alterum,
adhibitam, l. 1. ff. de dolo.

Quæ causa Efficiens?

Est animi conatus ad decipiendum directus
quia delicta ex affectu animi discernuntur, l. qui
iniuriæ, ff. de furtis.

Quod Obiectum?

Obiectum est, ipsa deceptio, quæ in omni ne-
gotio, non iure sed dolo committentis, fieri po-
test, l. 1. & l. 4. ff. de dolo.

Quæ Forma?

Committitur dolus per calliditatem, tacendo
& dissimulando, per fallaciam, decipiendo: men-
tiendo, & asserendo falsum: per machinationem,
vtendo furo & arte verborum, c. quacumq; arte
22. quæst. 5. c. is autem, 22. quæst. 2. l. 1. ff. de dolo

Quis Effectus?

Exceptio, & actio personalis, arbitraria, & fa-
mosa, quæ infra biennij spatiū datur damnū pas-
so, eiusq; hæredibus contra dolosum & hæredes,
inquantum ad eos ratione commissi doli perue-
nit, ad hoc, vt restitutio fiat, vel, si re perēpta fie-
ri nō possit, ad id, quod interest Actoris vel quā-
ti Actor in litem iurauerit, l. arbitrio, ff. de dolo,
l. si plures, & l. sed & ex dolo, ff. eod. Potest et-
iam iudex contra dolosum pariter, vt contra cō-
tumacē, scilicet excōmunicando, deponēdo, da-
mnando in expensas, mittendo in possessionem
rerum suarum, vel aliam, pro arbitrio, infligen-
do pœnam procedere, Hostiens. eod. titulo, §.
qualiter, deprehēdatur. & notandum hic, quod,
licet actio doli sit biennalis, exceptionem tamen
doli

doli esse perpetuam. Nam quæ temporalia sunt ad agendum, illa perpetua sunt ad excipiendum, l. purè, ff. de excep. dol.

Quid est Contumacia?

Contumacia est, erga iudicem, vel prælatum, commissa inobedientia, glos. in c. ad aures, extr. vt de temp. obed.

Quotuplex Contumacia?

Duplex, vera & præsumpta. Vera dicitur, cum quis, citatus & inuentus, nullum habens impedimentum, dicit, se venire nolle. Et contra talem procedi potest, nulla alia citatione facta, l. Fulcinius, ff. ex quibus causis, & c. Præsumpta est, cum quis solenniter citatus, licet non inuentus, non comparet, nec sufficientem procuratorem, in termino constituto, mittit, l. contumacia, ff. de re iud.

Quæ causa Efficiens?

Proteruitas, & inexcusata absentia Actoris vel Rei, c. cum dilecti, extr. eod. c. quoniam, extr. vt lite non contest.

Quod Obiectum?

Quilibet iudicialis actus, quem contumax, per præceptum iudicis, peragere, vel eidem adesse, iubetur.

Quæ Forma?

Vt trinis edictis, vel vno peremptorio (quod tantum temporis, quantum tria illa edicta continere debet) non compareat: vel in termino non compareat: vel, si compareat, non

obediat: vel sine licetia iudicis recedat, c. certum, 71. quæst. 3. c. ex literis, extr. de excess. prælatorum, c. de illicita, 24. q. 3. Ad duo enim tenetur citatus, scilicet, comparere, & in termino comparere. Unde, si alterum complere nō possit, ad alterum tenetur. Ex quibus colligitur, varijs modis committi contumaciam, vt etiam notat Specul. tit. de contu. §. contumax, & Hostiens. §. qualiter, eod. Putà, si citatus non veniat: si veniat & nō respondeat, vel obscure respondeat: vel sine licentia recedat: si se absentet, vel latitet, &, impediatur, ne citatio ad eum peruenire possit: si ad mandatum iudicis non restituat, exhibeat, iuret, vel defendat, l. mutus, l. omninò, ff. de procurat. c. fin. extr. de iura. calum. c. cum locum, extr. de spons. c. 1. extr. de mutuis petit.

Quis Contumaciæ Effectus?

Quòd contumax, in omnem causæ euentum siue vincat, siue vincatur, condemnetur ei, qui in iudicio præsens fuit, in expensas, priuetur appellationis beneficio, puniatur per immisionem obedientis in possessionem suorum bonorum, excommunicetur, vel deponatur, Odofred. Bart. Bal. Ang. Salicet. & Fulgos. in l. properandum, §. si autem ex gestis, C. de iudicijs.

Circa hunc tamen effectum, & modum procedendi contra contumacem Actorem, vel Reum, distingue. Et primo, si Actor in primo vel secundo termino non venerit ad Reum, quem citare fecerat, Reo condemnabitur in expensis, & etiam in damnis & interesse totius litis, quia ad hoc
spe-

specialiter se debuit obligare, l. eum, ff. de iud. c. libellum, 3. q. 4. Si autem causa criminalis fuerit, excommunicationis censura coërcetur, atque à iudicio repellitur: nisi iustas suæ absentię afferat excusationes. Si verò venerit in peremptorio, Reus absoluitur, cùm Actoris contumacia Rei improbior censeatur, eò quòd Actori fidem standi apud iudicem facere, Reo autem fugere & causam extenuare liceat, c. 1. 3. q. 4. Hodie autem punitur in expensis: nisi veniat in primo vel secundo termino. Nec admittitur ad aliam citatione, nisi præstita cautione idonea, quòd in termino fideliter comparebit, c. actor, extr. eod.

Interest tamen, an lis cõtestata sit, vel non sit, Actore contumaciter absente. Nam si lis contestata non sit, euocandus est tribus edictis per interualla 30. dierum, & si non venerit, indulgetur ei annus, sed intra ipsum annũ veniēs, non auditur, nisi restitutus expēsis Reo: si verò intra annũ non comparuerit, iudex per allegationes & dicta testiũ, rei veritate cognita, sententiã super principali negotio ferre potest, c. causam, extr. eod. authent. qui semel, C. quomodo, & quãdo. Quòd si lis contestata sit, tunc Actor contumax citãdus est ad petitionem Rei, tribus edictis, quorum quodlibet debet esse decem dierum, & si, perspectis causæ meritis, causam examinavit, pronuntiare diffinitiuè poterit. Si verò ipse plenè exactis instructus esse non possit, absoluet Reũ presentem, ab obseruatione iudicij, nullo regressu ad causam reseruato Actori, & in omnem causæ euentum, siue vincat, siue vincatur condemnabit Actorem in expensas. Sciendũ etiam, quòd

X 5 quando

quando iudex absolvit Reum à termino, hoc fit et absque vlla citatione: secus si absolutio ab instantia iudicij, quæ ante litis contestationem peti debet, fiat. Hoc enim casu, cum omnia acta iudicij illi pereant, maior solennitas requiritur, d. l. properandum, C. de iud.

Si verò Reus sit contumax, tunc in actione reali, post litis contestationem, potest iudex, si ei de causa liqueat; utputà, quia testes recepti, vel instrumenta exhibita, vel confessiones factæ; vel absoluendo, vel condemnando, ad pronuntiationem sententiæ procedere, Reumque in expensas Actoris, in omnem causæ eventum, damnare. à qua nec appellans, cum hoc casu appellationi non deferatur; auditur, cap. prout, extr. eod. c. decernimus, 3. q. 9. Quod si iudicij, ob probationum defectum, vel aliud impedimentum, causæ merita perspecta esse non possunt, tunc adiudicanda est Actoris possessio, statimque fiet verus possessor, salva proprietatis quaestione absenti, d. c. prout.

Ceterum, si lis est nullo modo contestata, Reo contumaciter absente, non potest Actor petere, ut sententia feratur: sed summatim examinato negotio, mittendus est in possessionem reipetitæ, cap. quoniam, extr. ut lite non contestat. Et tunc Reus, usque ad annum, poterit recuperare possessionem, restitutis expensis, & præstita cautione de iudicio fisci: anno verò elapso non audietur, nisi super proprietate, d. cap. quoniam. Et si, propter Rei dolum, vel potentiam, nequit potiri possessione, vel nactam perdit, nihilominus post annum efficitur possessor, c. contingit, extr.

extr. eod. Si autem agitur actione personali, & Reus contumax est ante litis contestationem, tunc mittitur Actor in possessionem bonorum ipsius Rei, causa custodiae, pro modo debiti declarati in libello, exceptis paucis casib. per Speculat. eod. titulo notatis, quibus in possessione omnium bonorum missio conceditur. Missus tamen non efficitur verus possessor, imò, restitutus expensis, & praestita cautione, venienti Reo restituitur possessio quodocunque, d. cap. quoniam: nisi iudicis autoritate sit ab Actore distracta.

AXIOMATA.

In ordinatione Camerae, inter cetera, disponitur, quod siue Actor, siue Reus contumaciter sit absens, nec compareat in iudicio, semper praesens possit in causa principali procedere, & causam liquidare: adeò, vt etiam iudex teneatur diffiniuè pronuntiare, si de causa constet, non attentata partis contumaciae absentia. & tali casu, si principalis causa diffiniatur, semper is, qui contumaciter absuit, siue vincat, siue succumbat, condemnari debet in expensis ei, qui iudicio praesens fuit, tit. 43. in fine, & tit. 43. § penultimo. in 3. parte.

Contumax est, qui trinis edictis, & vno peremptoria citatus non venit, c. certum, 11. q. 3.

Si iudex velit contumacem excommunicare, prius debet eum monere, vt adhuc obediat, comparendo intra certum terminum competentem, & suam contumaciam expurget.

Actore contumace testes recipi, & sententia fieri debent,

debent,

332 ANALYS. IVRIS PONTIFICII
debent, etiam lite non contestata, cap. causam, extr.
eod.

Si Reus, post litem contestatam, est contumax, si alias
liquet de causa fertur sententia diffinitiva: si non liquet
actor in veram possessionem inducitur, c. prout nobis, extr.
eod.

Beneficia Ecclesiastica sine dispendio diu vacare non
possunt, c. finem litibus, extr. eod.

Exceptionem peremptoriam opponens, si in eius pro-
batione deficiat, causa dilatae litis, in expensas damnari
debet, c. finem, eod.

Si Reus non invenitur literis valuis Ecclesia affixis, si
ratio celebratur, c. venerabilis, extr. eod.

Sententia in causa beneficii non transit in rem iudi-
catam respectu Superioris, quod minus potest de iuribus
partium inquirere, maxime, quando sententia fuit lata
contra absentem, licet contumaciter & indefensum, c. cum
olim, extr. eod.

Actor non admissus in possessionem sibi decretam per
iudicem, causa rei servanda, vel ab ea expulsus, per lo-
psum anni verus efficitur possessor, c. contingit, eod.

Contumax melioris conditionis, quam obediens, esse
non debet, d. c. contingit, §. ne igitur.

In Ecclesiasticis personis & negotijs rigor & distri-
ctio iuris non requiritur, c. 1. extr. eod.

Cum variarum poenarum datur optio, vnam ex plu-
ribus, qua magis timetur iudex infligere debet, c. à cra-
pula, extr. de vita & honest. cler.

DE